

# MIMBAR NAKHODA

BIL: 11 / 6 RAMADHAN 1435 / 4 JULAI 2014

PERCUMA UNTUK AHLI JEMAAH MASJID

## RAMADHAN BULAN PEMBEBASAN

Hadhrat Maulana Muhammad Zakariyya Kandahlawi Rahmatullah ‘Alaih telah menukilkan, daripada Hadhrat Abu Sa’id Al-Khudri Radhiyallahu ‘Anhu meriwayatkan bahawa Hadhrat Rasulullah Shallallahu ‘Alaihi Wasallam telah bersabda:

عَنْ أَبِي سَعِيدٍ الْخُدْرِيِّ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: إِنَّ اللَّهَ تَبَارَكَ وَتَعَالَى عَتَقَاءَ فِي كُلِّ يَوْمٍ وَلَيْلَةٍ يَغْنِي فِي رَمَضَانَ وَإِنَّ لِكُلِّ مُسْلِمٍ فِي كُلِّ يَوْمٍ وَلَيْلَةٍ دَعْوَةٌ مُسْتَجَابَةٌ. (الترغيب)

“Sesungguhnya setiap hari siang dan malam pada bulan Ramadhan, Allah Tabaraka Wa Ta’ala membebaskan begitu banyak sekali Ruh-ruh daripada Api Neraka, dan pada setiap orang Islam, pada setiap hari siang dan malam, doanya pasti akan diterima.” [At-Targhib & Fadhilat Ramadhan]

### PENGAJARAN HADITS

Ada dinyatakan di dalam Hadits-hadits bahawa permohonan doa daripada orang-orang yang berpuasa adalah Mustajab. Dalam sebuah Hadits ada menyatakan bahawa doa diterima sewaktu Ifthar berbuka puasa tetapi pada ketika itu, manusia sibuk dengan makanan sehingga kebanyakan dari kalangan kita yang mengabaikan peluang ini. Doa Ifthar yang masyhur ialah:

اللَّهُمَّ لَكَ صُمْتُ وَبِكَ آمَنْتُ وَعَلَيْكَ تَوَكَّلْتُ وَعَلَى رِزْقِكَ أَفْطَرْتُ

“Ya Allah, keranaMu daku berpuasa, kepadaMu daku beriman, dan kepadaMu daku bertawakkal berserah diri dan daku berbuka dengan rezeki yang datang daripadaMu.”

‘Abdullah Ibnu ‘Amr Radhiyallahu ‘Anhu pernah membaca doa berikut ketika berbuka puasa:

اللَّهُمَّ إِنِّي أَسْأَلُكَ بِرَحْمَتِكَ الَّتِي وَسِعَتْ كُلَّ شَيْءٍ أَنْ تَغْفِرَ لِي

“Ya Allah, daku memohon kepadaMu melalui Rahmat yang luas yang merangkumi segala sesuatu agar Dikau mengampuniku.”

Di dalam setengah kitab, diberitahu bahawa Rasulullah Shallallahu ‘Alaihi Wasallam pernah membaca:

يَا وَاسِعَ الْفَضْلِ اغْفِرْ لِي

“Wahai Dikau yang mempunyai kurniaan yang luas, ampunilah daku.”

Banyak lagi doa yang dikaitkan dengan waktu Ifthar berbuka puasa tetapi tidaklah ditetapkan yang mana satu. Inilah ketikanya doa seseorang itu dimakbulkan, kemukakanlah segala hajat di hadapan Allah Subhanahu Wa Ta’ala khasnya di bulan Ramadhan sama ada di siang atau di malam hari kerana doa setiap orang Islam pasti akan diterima Allah.

شَهْرُ رَمَضَانَ الَّذِي أُنْزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَىٰ وَالْفُرْقَانِ ۚ فَمَن شَهِدَ مِنْكُمُ الشَّهْرَ فَلْيَصُمْهُ ۖ وَمَن كَانَ مَرِيضًا أَوْ عَلَىٰ سَفَرٍ فَعِدَّةٌ مِّنْ أَيَّامٍ أُخَرَ ۗ يُرِيدُ اللَّهُ بِكُمُ الْيُسْرَ وَلَا يُرِيدُ بِكُمُ الْعُسْرَ وَلِتُكْمِلُوا الْعِدَّةَ وَلِتُكَبِّرُوا اللَّهَ عَلَىٰ مَا هَدٰكُمْ وَلَعَلَّكُمْ تَشْكُرُونَ

Bulan Ramadhan yang padanya diturunkan Al-Quran, menjadi petunjuk bagi sekalian manusia dan menjadi keterangan-keterangan yang menjelaskan petunjuk dan menjelaskan perbezaan antara yang benar dengan yang salah, oleh itu sesiapa dari antara kamu yang menyaksikan anak bulan Ramadhan atau mengetahuinya maka hendaklah dia berpuasa bulan itu dan sesiapa yang sakit atau dalam Musafir maka bolehlah dia berbuka, kemudian wajiblah dia berpuasa sebanyak hari yang ditinggalkan itu pada hari-hari yang lain, dengan ketetapan yang demikian itu Allah menghendaki kamu beroleh kemudahan dan Dia tidak menghendaki kamu menanggung kesukaran, dan juga supaya kamu cukupkan bilangan puasa sebulan Ramadhan, dan supaya kamu membesarkan Allah kerana mendapat petunjukNya, dan supaya kamu bersyukur. [2:185]

Biro Dakwah Amar Maaruf Nahi Munkar, Masjid Jamek Kampung Nakhoda mengucapkan:

## SELAMAT BERPUASA SEMPENA



## BULAN RAMADHAN MUBARAK

### 1435 HIJRAH / 2014 MASIHI

## KEPADA SELURUH UMMAT MUSLIMIN DAN MUSLIMAT

## من جادى هب بر تتروى

Mimbar Nakhoda ini diterbitkan secara mingguan oleh Biro Dakwah Amar Maaruf Nahi Munkar, Masjid Jamek Kampung Nakhoda, Jalan Nakhoda Tengah, 68100 Batu Caves, Selangor Darul Ehsan dengan kerjasama Naqsyabandi Akademi Quran Sunnah Hadits, Madrasah Ulul Azmi, Kampung Sepakat Wira Damai, Batu Caves. Cetakan adalah terhad, maka digalakkan untuk difotostat dan diedarkan kepada orang lain, semoga Allah memberkati dan memberikan ganjaran pahala yang berterusan, Amin.

Ketua Editor: Ust. Jalaluddin Ahmad Ar-Rowi  
Penolong Editor: Sdr. Muhammad Taufiq

# **ALLAH BUKANLAH ‘ARADH,** **BUKAN JISIM DAN BUKAN JAUHAR**

Imam Abu Hafsh ‘Umar Najmuddin Ibni Muhammad Ibni Ahmad An-Nasafi Al-Hanafi Al-Maturidi Rahmatullah ‘Alaih (w.537H/1142M), di dalam kitabnya ‘Aqaid An-Nasafi telah berkata:

“Maka alam itu dengan sekalian sukunya Muhdats jua, kerana ia sekalian A’yan dan A’radh. Maka A’yan itu yang baginya berdiri dengan adanya. Ia itu adakalanya Murakkab seperti Jisim, atau tiada Murakkab seperti Jauhar iaitu suku yang tiada bersuku iaitu Jauhar. Bermula A’radh itu yang tiada berdiri baginya dengan adanya, dan diadakan ia pada segala Jisim dan segala Jauhar, seperti segala warna, pada segala keadaan, dan pada segala citarasa makanan dan segala bau.”

“Bermula, Yang Mengadakan yakni Yang Membaharui bagi alam ini iaitu Allah, Yang Esa, Yang Sedia, Yang Hidup, Yang Kuasa, Yang Maha Tahu, Yang Mendengar, Yang Melihat, Yang Menghendaki, Yang Berkehendak. Bukan Dia ‘Aradh, dan bukan Dia Jisim, dan bukan Dia Jauhar, dan tiada dirupakan dan tiada dapat dihinggakan dan tiada dapat dibilang yakni tiada lebih daripada Esa, dan tiada berseengah dan tiada bersuku, dan tiada bersusun, dan tiada berhingga dan tiada dapat diperikan dengan “Apa”, dan tiada dengan “Betapa”, dan tiada Dia bertempat pada suatu tempat, dan tiada berlaku atasNya suatu masa pun, dan tiada menyerupai Dia suatu pun, dan tiada keluar daripada IlmuNya dan QudratNya suatu apa pun.”

## **TOKOH ISLAM**

## **FATIMAH AZ-ZAHRA**

Fatimah Radhiyallahu ‘Anha merupakan anak perempuan Rasulullah Shallallahu ‘Alaihi Wasallam yang keempat dan yang paling bongsu. Beliau akan menjadi ketua bagi para wanita di Syurga. Beliau dilahirkan pada tahun pertama Dakwah Islam ketika Baginda Shallallahu ‘Alaihi Wasallam berusia 41 tahun. Adalah diriwayatkan bahawa nama Fatimah yang bermaksud selamat dari api, telah diwahyukan oleh Allah Subhanahu Wa Ta’ala. Ketika usianya lebih kurang 15 tahun pada tahun kedua Hijrah, beliau telah dikahwinkan dengan ‘Ali Ibni Abi Thalib dan tinggal bersama-samanya, di mana ketika itu Ali berusia 21 tahun. Rasulullah Shallallahu ‘Alaihi Wasallam amat mengasihi Fatimah di antara semua anak-anak perempuan Baginda yang lain. Apabila Baginda keluar dalam sesuatu perjalanan, beliauah yang terakhir akan berpisah dari Baginda dan apabila Baginda kembali dari perjalanan, rumah Fatimah adalah rumah yang pertama sekali akan Baginda kunjungi.

Apabila ‘Ali Radhiyallahu ‘Anhu berniat untuk berkahwin dengan anak perempuan Abu Jahal, Fatimah merasa amat dukacita lalu mencurahkan kedukacitaannya itu kepada Rasulullah Shallallahu ‘Alaihi Wasallam. Rasulullah Shallallahu ‘Alaihi Wasallam berkata kepada ‘Ali, “Fatimah adalah sebahagian daripadaku, sesiapa yang melukakannya maka bererti dia telah melukakan daku.” Maka ‘Ali pun segera membatalkan niatnya untuk berkahwin lain semasa hayat Fatimah.

Fatimah Az-Zahra bukan sekadar hanya puteri kepada Rasulullah Shallallahu ‘Alaihi Wasallam, namun beliau juga merupakan orang kepercayaan Rasulullah Shallallahu ‘Alaihi Wasallam. Beliau memiliki keperibadian yang sabar dan penyayang serta tidak pernah melihat atau dilihat oleh sebarang lelaki yang bukan Mahramnya. Rasulullah pernah berkata, “Fatimah merupakan bidadari yang menyerupai manusia.”

Adapun lebih kurang 6 bulan selepas Rasulullah Shallallahu ‘Alaihi Wasallam wafat, Fatimah telah jatuh sakit. Pada suatu hari, beliau berkata kepada pembantunya, “Aku hendak mandi, siapkanlah air untukku.” Kemudian, beliau pun mandi dan menukar pakaiannya, kemudian beliau mahu supaya katilnya ditempatkan di tengah-tengah bilik itu. Setelah itu, beliau pun berbaring di atas katil tersebut dengan mukanya mengadap ke arah Qiblat manakala tangan kanannya berada di bawah pipi kanannya. Lalu berkata, “Aku akan meninggal dunia sekarang.”

Sejurus kemudian, beliau pun menghembuskan nafasnyanya yang terakhir pada malam Selasa 3 Ramadhan tahun 11 Hijrah ketika berusia 27 tahun. Dari pernikahannya dengan ‘Ali Ibni Abi Thalib, beliau telah melahirkan 6 orang anak, 3 lelaki dan 3 perempuan iaitu Hassan dan Hussain, Zainab dan Ummu Kaltsum, manakala Ruqayyah dan Muhsan telah meninggal dunia ketika masih kecil.

## **زكاة فطرة رمضان**

**قدر زكاة فطرة:** سكتنغ مكانن روجي تمقن سفرتي

برس، كندوم، جاكوغ دان سباكنن دغن كبرائن هاری این برسامانن تیمباغن متریکس اداله 2.60 کیلوکرم.

**وقت زكاة فطرة:** وقت مولا دواجبکن زكاة اiale

سبائیک سهاج مالم فرتام رمضان. **وقت افضل** اiale

سبائیک سهاج تربیتن ماتهارى 1 شوال هیگکا سلوم

صلاة هاری رای عید الفطرى هندق ددیریکن. **وقت**

**هاروس** اiale دسفنچغ بولن رمضان. **وقت مکروه** اiale

سلفس صلاة عید هیگکا سلوم تربنم ماتهارى 1

شوال. **وقت حرام** اiale سلفس تربنم ماتهارى 1

شوال. **فترما زكاة فطرة:** مان-مان أصناف یغ لافن

ایائیت فقیر، مسکین، عامل فموغوت زكاة، اورغ یغ

برهوئغ، همب، فی سبیل الله دان ابن سبیل. رسول الله

صلی الله علیه وسلم برسبدا: "کایاکنله مریکا فقیر

مسکین درفد مینتا-مینتا فد هاری رای این.

**تعریف زكاة:** فد هاس برمقصود برسیه، سوچی، سوبور

دان برکمبغ. تعریف زكاة فد شرع اiale زكاة دیری یغ

دواجبکن کاتس ستیاف ایندیویدو مسلم للاکی دان

فرمقوان فد بولن رمضان مغیکوت شرط-شرط یغ دتشفکن.

**فضيلة زكاة:** دفت منمفوغ ککوراغن عبادة فواسا دان

دفت ممبتو فقیر مسکین فد هاری رای. حضرت ابن عباس

رضی الله عنه برکاتا، "رسول الله صلی الله علیه وسلم

مواجبکن زكاة فطرة سباکای فپوچین بوات اورغ برفواسا

درفد قربواتنن یغ سیا-سیا دان کاتا-کاتا کچی دان

سپاکای مکانن بوات اورغ مسکین. سسیاف یغ منونایکنن

سلوم صلاة هاری رای مک ایا مروفاکن زكاة یغ مقبول،

سسیاف یغ منونایکن سلفس صلاة، مک ایا دکیرا صدقه.

کواجین زكاة اداله کاتس ستیاف مسلم بائیک یغ مردیکا اتو

همب، للاکی اتو فرمقوان، کچیل اتو بسر.

## **FADHILAT RAMADHAN**

Abul-Laits meriwayatkan dengan sanadnya dari Abu Hurairah Radhiyallahu ‘Anhu berkata, Rasulullah Shallallahu ‘Alaihi Wasallam bersabda,

**“Ummatku diberikan oleh Allah pada setiap bulan Ramadhan dengan lima perkara yang tidak diberikan kepada ummat-ummat yang sebelumnya. 1) Bau mulut orang yang berpuasa adalah lebih harum di sisi Allah dari bau kasturi. 2) Malaikat memintakan keampunan untuk orang yang berpuasa hingga berbuka. 3) Syaitan-syaitan yang jahat dibelenggu sehingga mereka tidak bebas sebagaimana kebiasaannya. 4) Allah menghias Syurga setiap hari dan berfirman: “Hampir para hambaKu yang Shalih bebas dari keberatan dan gangguan dan kembali kepadamu.” 5) Allah mengampunkan mereka pada akhir malam Ramadhan. Ditanya: “Ya Rasulullah, apakah itu Lailatul-Qadar?” Jawabnya: “Bukan, tetapi seorang buruh dibayar upahnya apabila telah selesai pekerjaannya.”**

[Tanbihul-Ghafilin]